

# ՀՀ կառավարության որոշման նախագիծ

Նախագիծ

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

### Ո Ր Ո Շ ՈՒ Մ

----- 2023 թվականի N ----- -Ն

## ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2009 ԹՎԱԿԱՆԻ

### ՆՈՅԵՄԲԵՐԻ 12-Ի N 1308-Ն ՈՐՈՇՄԱՆ ՄԵՋ ՓՈՓՈԽՈՒԹՅՈՒՆՆԵՐ ԵՎ ԼՐԱՑՈՒՄՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 33-րդ և 34-րդ հոդվածներով և «Լիցենզավորման մասին» Հայաստանի Հանրապետության օրենքի 26-րդ հոդվածի 3-րդ մասով՝ կառավարությունը որոշում է.

1. Հայաստանի Հանրապետության կառավարության 2009 թվականի նոյեմբերի 12-ի «Ռազմական նշանակության արտադրանքի ցանկը, ռազմական նշանակության արտադրանքի ներմուծման, արտահանման, ռազմական նշանակության արտադրանքի տարանցիկ փոխադրման, այդ արտադրանքի առևտրի միջնորդական գործունեության լիցենզավորման կարգերը և անհրաժեշտ փաստաթղթերի ձևերը հաստատելու մասին» N 1308-Ն որոշման (այսուհետ՝ «Որոշում») մեջ կատարել հետևյալ փոփոխություններն ու լրացումները.

1) Որոշման Հավելված N 1-ում.

ա. ՌՆ4.ա. կետում կատարել հետևյալ լրացումներն ու փոփոխությունը.

ա) «փամփուլտներ» բառից հետո լրացնել «, դրանց ենթազինամթերք»

բառերը,

բ) ՌՆ4.ա. կետի «Նկարագիր»-ից հետո նույն հաջորդականությամբ լրացնել նոր «Հատուկ նկարագիր» հետևյալ բովանդակությամբ.

*«Հատուկ նկարագիր. ՌՆ1. կամ ՌՆ2. կետերում սահմանված զենքերի կամ հեռանետող զենքերի և զինամթերքի համար հատուկ նախագծված ենթազինամթերքների համար նոնակների կամ քարտիճի (տարողությունների) համար տե՛ս ՌՆ3. կետը:»:*

գ) ՌՆ4.բ. կետի Նկարագիր 1-ի ա. ենթակետից հանել «որը կարող է արտադրել օրական 1000 կգ կամ ավելի հեղուկացնող գազ» բառերը,

բ. ՌՆ10.բ. կետում «Նկարագիր.» բառը փոխարինել «Նկարագիր 1.» բառերով և ավելացնել նոր Նկարագիր հետևյալ բովանդակությամբ.

*«Նկարագիր 2. ՌՆ10.բ. կետը չի վերաբերում.*

- 1. 1. առեղներին (քարշարկման սարքավորումներին),*
- 2. 2. պաշտպանիչ հատակային ծածկոցներին և ծածկոցներին,*
- 3. սանդուղքներին և հարթակներին,*
- 4. դիմադիր կոճղակներին, կառաններին և բեռների ամրացման սարքավորումներին:»:*

գ. ՌՆ11ա. կետում.

ա) Նկարագրի e. ենթակետում «ծածկագրման գործընթացներ» բառերը փոխարինել «ծածկագրման գործառույթներ» բառերով,

բ) ՌՆ11բ. կետը շարադրել նոր խմբագրությամբ.

*«Խափանող, խաթարող սարքավորում, որը նախագծված կամ փոփոխված է «արբանյակային նավիգացիոն համակարգերի» կողմից տրվող տեղորոշման, նավիգացիայի կամ ժամանակայնության ծառայությունների ընդունմանը, կիրարկմանը կամ ճշգրտությանը խոչընդոտելու համար և դրանց համար հատուկ նախագծված բաղադրամասերը:»,*

դ. ՌՆ13. կետի Նկարագիր 4-ից հետո լրացնել նոր Նկարագիր և Հատուկ նկարագիր հետևյալ բովանդակությամբ.

*«Նկարագիր 5. ՌՆ13.դ.1. կետը չի վերաբերում պաշտպանիչ ակնոցներին:*

*Հատուկ նկարագիր. Լազերային պաշտպանիչ ակնոցների համար տե՛ս ՌՆ17.օ կետը:»:*

2) Որոշման ողջ տեքստում «Հայաստանի Հանրապետության Ոստիկանություն» բառերը և վերջինիս համապատասխան հոլովածները փոխարինել «Հայաստանի Հանրապետության ներքին գործերի նախարարություն» բառերով և վերջինիս համապատասխան հոլովածներով:

3) Որոշման Հավելված N 2-ում.

ա. 8-րդ կետում «7-րդ կետում» բառերը փոխարինել «6-րդ և 7-րդ կետերում» բառերով,

բ. 9-րդ կետը շարադրել նոր խմբագրությամբ.

«Լիցենզիան տրամադրում է լիցենզավորող մարմինը՝ անժամկետ:»:

4) Որոշման Հավելված N 3-ում.

ա. 6-րդ կետի 2-րդ ենթակետում «տրանսպորտային միջոցների սեփականության վկայականները» բառերը փոխարինել «տրանսպորտային միջոցների հաշվառման վկայագրերը» բառերով,

բ. 8-րդ կետում «7-րդ կետում» բառերը փոխարինել «6-րդ և 7-րդ կետերում» բառերով,

գ. 9-րդ կետը շարադրել նոր խմբագրությամբ.

«Լիցենզիան տրամադրում է լիցենզավորող մարմինը՝ անժամկետ:»:

5) Որոշման Հավելված N 4-ում.

ա. 8-րդ կետում «7-րդ կետում» բառերը փոխարինել «6-րդ և 7-րդ կետերում» բառերով,

գ. 9-րդ կետը շարադրել նոր խմբագրությամբ.

«Լիցենզիան տրամադրում է լիցենզավորող մարմինը՝ անժամկետ:»:

6) Հավելված N 5-ը շարադրել նոր խմբագրությամբ.

«

**Հավելված N 5**  
**ՀՀ կառավարության 2009 թվականի**  
**նոյեմբերի 12-ի N 1308-Ն որոշման**

**ՁԼ**

**ՎԵՐՋՆԱԿԱՆ ՕԳՏԱԳՈՐԾՄԱՆ ՀԱՎԱՍՏԱԳԻՐ**

ք. \_\_\_\_\_

« \_\_\_\_ » « \_\_\_\_\_ » 20 \_\_թ.

Արտահանող կազմակերպության  
տվյալները (իրավաբանական հասցե,  
հեռախոսահամար, ֆաքս, էլ-փոստ, տնօրեն),  
Ներմուծող կազմակերպության տվյալները (իրավա  
բանական հասցե, հեռախոսահամար, ֆաքս, էլ-  
փոստ, տնօրեն),

Փոխադրող կազմակերպության  
տվյալները (իրավաբանական հասցե,  
հեռախոսահամար, ֆաքս, տնօրեն),  
Արտահանվող (Ներմուծվող) ռազմական  
նշանակության

արտադրանքի անվանումը, չափման միավորը,  
քանակը

Ռազմական նշանակության արտադրանքի  
վերջնական օգտագործողի մասին տվյալները:

\_\_\_\_\_ հայտարարում է, որ վերը նշված տվյալները ճիշտ են, վերը նշված ռազմական նշանակության արտադրանքը կհանձնվի վերը նշված վերջնական օգտագործողին և չի վերավաճառվի կամ որևէ այլ կերպ փոխանցվի որևէ այլ երրորդ պետություն և (կամ) ոչ կողմի՝ առանց արտահանող երկրի լիազոր մարմնի գրավոր և պատշաճ կերպով վավեր դրական եզրակացության:

\_\_\_\_\_ հավաստում է, որ ներկայացված վերը նշված ներմուծվող ռազմական նշանակության արտադրանքը օգտագործվելու է \_\_\_\_\_ կողմից և չի փոխանցվի որևէ այլ երրորդ (կամ) որևէ երրորդ կողմի՝ առանց արտահանող երկրի լիազոր մարմնի գրավոր և պատշաճ վավերացված դրական եզրակացության:

\_\_\_\_\_ հայտարարում է, որ վերը նշված ռազմական նշանակության արտադրանքը օգտագործվելու է բացառապես \_\_\_\_\_ նպատակով:

\_\_\_\_\_ հավաստում է, որ վերը նշված ռազմական նշանակության արտադրանքը չի վերը նշված նպատակից բացի որևէ այլ նպատակով՝ առանց արտահանող երկրի լիազոր մարմնի գրավոր և պատշաճ ձևով վավերացված համաձայնության:

**Ներմուծող**

**կազմակերպության ղեկավարի ստորագրությունը** \_\_\_\_\_

**և կնիքը:**

»:

2. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

Հայաստանի Հանրապետության

Վարչապետ

Ն. Փաշինյան